

Վարչական տույժ նշանակելու մասին

«11» հոկտեմբերի 2022թ

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, քննելով «ԳՈԼԴ ԱՎՏՈ ԻՄՊՈՐՏ» ՍՊԸ-ի տնօրեն Վահան Արենի Թորոսյանի (անձնագիր՝ AN0357345, Լոռու մարզ, ք.Վանաձոր, Կարբիշևի փակուղի, տուն 5) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

«ԳՈԼԴ ԱՎՏՈ ԻՄՊՈՐՏ» ՍՊԸ-ի տնօրեն Վահան Արենի Թորոսյանը թիվ 05100040/070922/0003675 ապրանքների հայտարարագիրը լրացնելիս 20-րդ՝ առաքման պայմաններ/վայր սյունակում մատակարարման պայման չի նշել, իսկ 18-րդ՝ փոխադրամիջոցի նկարագրություն սյունակում փոխադրամիջոցի նույնականացման համարը և պատկանելիությունը նշել է ոչ ճշգրիտ: Վերոնշյալ ոչ ճշգրիտ տեղեկությունները ներկայացնելու արդյունքում մաքսային վճարներ չեն առաջացել:

Նշված փաստի առթիվ ՀՀ ՊԵԿ ՀՄՎ ՄԳ ավագ մաքսային տեսուչի կողմից 08.09.2022 թվականին հարուցվել է մաքսային կանոնների խախտման վերաբերյալ վարույթ՝ ՀՀ մաքսային օրենսգրքի 203-րդ հոդվածի հատկանիշներով, այն է՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ **հայտարարագրման ժամանակ ոչ ճշգրիտ** տեղեկություններ նշելը:

ԵՏՀ Մաքսային միության հանձնաժողովի 20.05.2010 թվականի թիվ 257 որոշման համաձայն՝ ապրանքների հայտարարագրի 18-րդ սյունակում նշվում են՝ մաքսային տարածքով այնպիսի ապրանքներ տեղափոխած տրանսպորտային միջոցի (տրանսպորտային միջոցների) վերաբերյալ տեղեկություններ, որոնք մաքսային մարմին են ներկայացվում մաքսային ընթացակարգով ձևակերպելու համար՝ բացառությամբ «մաքսային տարանցում» մաքսային ընթացակարգի:

Նույն որոշման համաձայն՝ ապրանքների հայտարարագրի 20-րդ սյունակում նշվում են մատակարարման պայմանների վերաբերյալ տեղեկությունները, եթե հայտարարագրվող ապրանքները ներմուծված են (ներմուծվում են) մաքսային տարածք արտաքին տնտեսական գործարք կատարելիս կնքված պայմանագրով սահմանված պարտավորությունների կատարմամբ:

Սյունակի երկրորդ ենթաբաժնում նշվում են մատակարարման պայմանների ծածկագիրը՝ մատակարարման պայմանների դասակարգչին համապատասխան, և աշխարհագրական կետի անվանումը:

Օրենսգրքի 405-րդ հոդվածի 1-ին մասի 6-րդ կետի համաձայն՝ մաքսային ներկայացուցիչը պարտավոր է կատարել Եվրասիական Տնտեսական Միության Մաքսային օրենսգրքով սահմանված և /կամ/ անդամ պետությունների՝ մաքսային կարգավորման վերաբերյալ օրենսդրությամբ սահմանվող պարտականությունները:

ՀՀ մաքսային օրենսգրքի 189-րդ հոդվածի համաձայն՝ մաքսային խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

Վարչական վարույթի նյութերի ուսումնասիրությունից պարզվում է, որ թիվ 05100040/070922/0003675 ապրանքների հայտարարագիրը լրացնելիս 18-րդ և 20-րդ սյունակներում ներկայացվել են ոչ ճշգրիտ տեղեկություններ, որոնք էլ հանգեցրել է ՀՀ մաքսային օրենսգրքի 203-րդ հոդվածի 1-ին մասով սահմանված մաքսային կանոնների խախտման: Ընդ որում, կատարվածի արդյունքում չի առաջացել մաքսային վճարների պակաս հաշվարկում կամ չհաշվարկում, ինչպես նաև ոչ սակագնային կարգավորման միջոցների չկիրառում: Ելնելով վերոգրյալից և ղեկավարվելով ՀՀ մաքսային օրենսգրքի 203-րդ, 206-րդ, 221-րդ հոդվածի 1-ին կետի ա) ենթակետով և ՀՀ վարչական իրավախախտումների վերաբերյալ օրենսգրքի 32-րդ ու 234-րդ հոդվածներով,

Ո Ր Ո Շ Ե Ց Ի

1. Վահան Արենի Թորոսյանին ՀՀ մաքսային օրենսգրքի 203-րդ հոդվածի 1-ին մասով սահմանված մաքսային կանոնների խախտում կատարելու համար ենթարկել վարչական պատասխանատվության՝ տուգանել **50000 ՀՀ դրամ**:

2. Որոշման մասին հայտնել Վահան Արենի Թորոսյանին:

3. ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ մաքսային օրենսգրքի 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին) որոշումը կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

Սույն որոշմամբ նշանակված փուլանքի վճարման հաշվեհամարն է. **900005024055՝ 50000 ՀՀ դրամ, նշել 30 կողք:**

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ
ՄԾ ԳՆԴԱՊԵՏ

ԱՐՏԱՇԵՍ ՂԱՄԲԱՐՅԱՆ